



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

Fargna, Francesco de

Romæ, MDCCXVIII

Casus I. Argumentum. Patronus Laicus quando, & quomodo possit variare
correctivè ne, & privativè, aut potius accumulativè?

[urn:nbn:de:hbz:466:1-72203](#)

garunt Patrono Ecclesiastico. Ita Berous in hoc cap. Quod autem num. 12. & seqq. Butr. in cap. Cum autem, Lambertin. de Jurepatr. lib. 2. par. 2. quæst. 7. art. 1. num. 4. Rota decr. 91. num. 6. coram Priolo. Quoad has Conclusiones sequentes examinantur Casus.

ARGUMENTUM.

Patronus Laicus quando, & quomodo possit variare correctivè, & privativè, aut potius accumulativè?

SUMMARIUM.

- 1 Non solum Patronus, sed etiam ejus successor variare potest, si durante quadrimestre Patronus obiit.
- 2 Patronus Laicus post Canonicanam institutionem non potest variare, & num. 5.
- 3 Institution facta per errorem de illegitimo, & non idoneo est nulla.
- 4 Paria sunt non presentare, ac nulliter presentare.
- 5 Matrimonia contracta per hereticos in loco, ubi publicatum fuit Concilium, non servata hujus forma, sunt irrita.
- 6 Heretici ratione Baptismi subduntur jurisdictioni Ecclesia.
- 7 Clericus natus in secundo matrimonio contracto ab hereticis in loco, ubi publicatum non fuit Concilium Tridentinum, non servata hujus forma, est legitimus, & presentari, ac institui valet in Cathedralibus.
- 8 Institution Canonica, quæ dicatur?
- 9 Institution facta absque prævia affixione edicti est nulla ex defectu formæ.
- 10 Text. in cap. final. de elect. in 6. habet locum in presentatione.
- 11 Si institutio sit nulla, utpote facta absque prævia affixione edicti, potest Patronus variare, non quidem privativè, sed corrective.
- 12 Casu quo institutio sit nulla, non per hoc variatur presentatio.
- 13 Licitum non est Patrono presentationem, jemel validè factam in totum revocare, & quare? Vide ibi.
- 14 Patronus si presentet secundum, in dubio presumitur cum presentare cumulative, & non privativè.

CASUS I.

Succedente vacatione cuiusdam Canoniciatus de Jurepatronatus in quadam Cathedrali, ubi recipi valent solum legi-
Pars II.

timi, Patronus presentavit ad illum Titum Clericum, qui immediatè post, absque prævia affixione edicti institutus fuit in eo ab Ordinario. Animadvertis idem Patronus, quod Titus natus erat à Bertha, & Cajo hereticis in statu, quo Cagus antecedenter contraxit aliud matrimonium cum alia muliere, pariter heretica, in parte hereticorum, ubi publicatum fuit decretum de reform. matrimon. cap. 1. sess. 24. si non servata tamen hujus forma, existimans Titum esse illegitimum, ac proinde incapacem obtinendi dictum Canoniciatum durante adhuc quadrimestre, variavit alium Clericum idoneum, & capacem, presentando privativè penitus recedendo à prima presentatione.

Quæritur in hoc Casu: An Patronus possit presentationem Titii, & subsequam hujus institutionem in dicto Canoniciatu potuerit variare, & quidem correctivè, & privativè, aut potius accumulativè? In quo articulo negativè absolutè, & simpliciter respondendum videtur.

1 Licet enim Patronus Laicus possit variare, immo etiam ejus successor variare valeat si durante quadrimestre idem Patronus obiit, ut docet Lambertin. de jurepatr. lib. 2. par. 3. quæst. 3. art. 4. n. 1. Sanchez. conf. moral. lib. 2. cap. 3. dub. 65. num. 13. tamen sequuta institutione presentati, hoc ei amplius licitum non est, cùm variatio permitta sit Patronis Laicis tantum re integra, nimirum antequam admittatur ab Ordinario, & antequam sit ius quæsumum presentato, juxta supradictum Canonem. Quod autem, ibique Gonzal. num. 5. Paris. conf. 47. part. 1. num. 6. Palm. conf. 10. n. 38. Paul. de Citadin. de Jurepatr. par. 6. art. 3. num. 2. Rocch. de Curt. eod. tratt. verb. honorificum qu. 13. num. 53. Vivian. eodem tract. par. 2. lib. 10. cap. 1. num. 15., Rota in Volaterrana Beneficij 28. Januarij 1709. §. Ex pluribus coram R.P.D. Crispo.

3 Nec dicatur, quod hæc institution facta ab Ordinario in Persona Titii non sit Canonica ex defectu Personæ recipientis. Eo quia Titius natus à Cajo in secundo

matrimonio cum Berta, constante adhuc primo cum alia muliere erat illegitimus, & sic incapax obtinendi præfatum Canonicatum; adeo etsi fuerit ab Ordinario institutus per errorem, eo quia putabat illum esse legitimum, & idoneum, tamen cùm postea repertus fuit non idoneus, tam institutio, quām ejus præsentatio dicitur nulla, & nullum jus ei tribuere. *Vivian de jure pat. par. 2. lib. 12. cap. 4. n. 33.* Adeoque Patronus stante hac nullitate institutionis, ac præsentationis, durante adhuc quadrimestre, poterit alium præsentare, & quidem privativè penitus rece-dendo à prima præsentatione, quia hēc ut-pote nulla, non dicitur præsentatio, cùm paria sint non præsentare, ac nulliter præsentare. *Sanch. conf. moral. lib. 2. cap. 3. dub. 65. num. 3.* *Fagnan. in hoc Canone Cùm autem num. 9. & 10.* & in cap. Cùm vos num. 33. de offic. Ordin. Rota decif. 91. num. 4. coram Priol. Adden. ad Pamphil. decif. 706. nu. 16. & decif. 722. nu. 11. & decif. 52. n. 8. penes Ansaldo.

Quoniam Titius natus à Cajo in secundo matrimonio erat legitimus, adeoque tam præsentatio, quām institutio ejus facta est valida, & legitima. Primum namque matrimonium contractum à Cajo cum alia muliere in loco, ubi publicatum fuit Concilium Tridentinum, fuit nullum, utpote inter ipsos contrac-tum, non servata illius forma, dum hæ-retici, ubi Concilium fuit publicatum, tenentur servare ejus formam, itaut ma-trimonia per eos contracta absque hac forma sunt irrita, & nulla. *Gonzal. cap. 3. num. 10. de clandest. despensat.*, *Pignattell. consult. 79. num. 26. tom. 2. Rot. in Leodien. Canoniciatus 2. Julii 1710. §. Cate-rum coram P. P. D. Ansaldo.* Ea ratione quia, quamvis hæretici non sint intrà Ecclesiam. *Text. in cap. firmiter de Summ. Trinit. tamen ratione Baptismi subduntur illius jurisdictioni.* *Gonzal. in cap. sicut num. 12. de heretic.* Et consequenter secundum matrimonium contractum ab eodem Cajo cum Berta in loco, ubi publicatum non fuit Concilium Tridentinum, fuit validum, & legitimum, etiamsi non fuerit servata forma Concilii, ut optimè tradit *R.P.D. meus Petra ad Confit. Apo-stolic. tom. 4. fol. 78. num. 21.*, vel saltē ex hoc existimari potuit legitimum,

quod sufficit ad hoc, ut Titius Clericus ex eo suscep-tus, dicatur legitimus, ad effectum ut præsentari, & institui valeat in Cathedralibus, juxta Text. in cap. per-venit, qui fil. sint legit., Barboſ. vot. decif. 2. n. 40. & seq. *Cancer. var. resol. par. 3. cap. 11. n. 106.* ut etiam resolutum fuit à Sacra Congregatione Concilii in Monas-teriū seu Paderbonen. legitimatis; ubi cum Bodō ab Alten Brunsuicensis Vir Nobilis, sed secta Luterana Alumnus primum matrimonium contraxerit cum Juditha Elisabeth Cran ejusdem secta; Alterum autem cum Sidonia de Feneſſen pariter Luterana; Et cùm ex secundo ma-trimoniō natus fuerit Everardus, iste, qui primus suæ gentis post hæresim Lute-ri nomen dedit Catholicæ Fidei, suppli-cavit, ut ipse Equeſtri Ordini adscribi, ejusque filii, & descendentes recipi valeant in Cathedralibus Germanie, decla-rari filios dd. Bodō, & Sidonia legitimos, ea præcipue ratione, quia primum matrimonium uti celebratum in Diœcesi Colonien. ubi publicatum fuit decretum de reformat. matrimon. cap. 1. ſeff. 24. non ſervata illius forma sit nullum etiam in-ter hæreticos, non autem ita sit de secun-do contracto Brunsuivi, ubi nunquam dictum decretum fuit promulgatum; Ac proinde disputatio dubio. *An filii nati ex Bodone ab Alten, & Sidonia de Feneſſen, legiti-mi haberi debeant ad effectum de quo agitur.* Die 5. Septembris 1716. respon-sum fuit Affirmati-vē.

- 8 Sed re melius attenta censeo in hoc caſu Patronum potuisse variare; ſciendū est enim, quod ad hoc, ut Patronus poſt ſequam institutionem præſentati in Beneficio, non poſſit amplius præſen-tando variare, juxta auctoritates ſuperiū adducas §. *Licet requiritur*, quod institutio ſit Canonica, ſeu quod ſit copula-tivè ſinē vitio Conferentis, Recipientis, vel formæ. *Fagnan. in cap. Conſtitutus de fil. Presbyter. num. 10. ibique Bellamer.*... Supradicta autem institutio facta ab Ordinario in persona Titii, etsi ſit ſinē vitio Conferentis, & Recipientis, dum ex ſu-pra deduci patet, Titium eſſe legitimu-m, tamen dici non potheat, quod ſit ſinē vitio formæ.
- 9 Fuit namque executa ab Ordinario immediate poſt præſentationem factam à

Pa-

Patrono favore Titii, absque prævia affixione editi, & sic absque forma à jure præscripta, cùm seclusa omni consuetudine, & præscriptione in contrarium de jure institutio, sicut etiam gratificationi non possit per Episcopum absque poena nullitatis, nisi citatis prius vel specialiter, vel generaliter per dictum præsentato, Patronis, & aliis interessibus, cum præfixione termini peremptori novem dierum, & nisi elapsi dicto termino, juxta Text. in cap. final. de elect.

11 in 6., qui licet loquatur de electione locum etiam habet in præsentatione, ut docent gloss. verb. electione ibi. Et idem puto in præsentatione, ut etiam ille, cui fit præsentatio servare teneatur hanc decretalem, ibique Gemin. n. 17. Calderin. cons. 8. de elect. num. 1. Lambertin. de jurepat. lib. 2. par. 2. quæst. 6. art. 2. num. 1. & 4. Crescent. decisi. 12. de jurepat. num. 1. & 2. Vivian. eodem tractat. lib. 9. cap. 1. nu. 2. cum seqq. Lara de Annivers. & Cappell. lib. 2. cap. 10. num. 40. Rot. in Novarien. Parochialis 11. Aprilis 1713. §. Atque hac, & §. Atque ita cotam R.P.D. Ansaldo.

12 Stante igitur nullitate hujusmodi institutionis ex defectu formæ ab Ordinario non servata, eo quia ipse fuit nimis festinus in institutione, res dicitur adhuc integra, ac proinde durante adhuc quadrimestre poterat Patronus variare alium præsentando, non quidem correctivè, & privativè penitus recedendo à prima præsentatione, sed accumularivè, alium cum primo accumulando; quia licet dicta institutione fuerit nulla, non per hoc vitiata remansit præsentatio, Vivian. de Jurepatr. part. 2. lib. 12. cap. 4. n. 35. Crescent. dec. 12. de Jurepatr. n. 3. Lara de Annivers. & Cappell. lib. 2. cap. 10. n. 41. sed illa fuit valida, utpote facta de Persona capaci, qua stante validitate licitum non erat Patrono Laico præsentationem semel validè factam in totum revocare. Ratio est, quia Textus in hoc Canone cùm autem 10. inter plures præsentatos à Patrono Laico æquè idoneos concedit Episcopo gratificationem; Non esset autem locus gratificationi, si Patronus Laicus variaret correctivè, & privativè recedendo à prima præsentatione; Igitur si Patronus Laicus primo validè præsentavit, non potest variare privativè, seu correctivè, sed

solum accumulativè, quod enim semel placuit, amplius displicere non potest. Ita gloss. in cap. Quod semel de reg. jur. in 6. Bero. hic in cap. Quod autem nu. 8. & seqq. Abb. in cap. Cùm autem, ibique Fagnan. n. 7. Cravet. cons. 6. 3. num. 3. Lambertin. de Jurepatr. lib. 2. par. 2. quæst. 7. art. 2. 2. num. 2. Rocc. de Curt. eod. tract. verb. honorificum quæst. 9. Perez. de Lara de Cappellan. lib. 2. cap. 9. n. 18. R.P.D. Ansaldo dec. 5. 2. n. 4. & seqq. Rot. decis. 2. 3. 5. n. 5. par. 9. & dec. 3. 2. 3. n. 12. par. 15. recent. & in Vaden. Canonizatus 30. Junij 1704. §. Nil urgente cor. Rmo Molines Decano, Et in dubio si Patronus Laicus præsentet secundum, semper præsumendum est eum præsentare accumulativè, & non privativè, ea ratione, quia quilibet præsumitur, velle facere actum modo sibi magis proficuo, & conformi dispositioni juris Rocc. de Curt. de Jurepatr. verbo honorificum n. 38. Lara de Cappell. d. lib. 2. cap. 9. n. 19.

ARGUMENTUM.

An Patronus Laicus possit semel tantum, aut plures variare. Et si præsentatio facta à Patrono Ecclesiastico sit nulla, an possit idem Patronus alium præsentare, & an in Jurepatronatus mixto competat Patrono Ecclesiastico jus variandi?

SUMMARIUM.

- 1 Patronus Laicus semel tantum, & non plures potest variare, & quare? Vide ibi. Intellige, ut num. 3.
- 2 Patronus Laicus si primò imperfectè præsentavit, potest secundo, & tertio præsentare, immo præsentationem imperfectam penitus revocare.
- 4 Præsentatio facta à Patrono Ecclesiastico si sit nulla, potest idem Patronus alium præsentare.
- 5 Patronus Ecclesiasticus potest intrà terminum à jure præfixum declarare, & reddere claram præsentationem dubiam.
- 6 Patronus Ecclesiasticus, facto pacto, quod si præsentatus intrà certum tempus non utatur præsentatione ad obtinendum institutionem, possit alium præsentare, si præsentatus intrà dictum tempus ea non utatur, potest alium præsentare.
- 7 Patronus Ecclesiasticus si præsentaverit unum,